

628 671.1263
078
15

玉田縣志卷二十

玉田縣知縣王國良子鑒庠孫甫輯訂

列傳一

名宦

郡邑之祀名宦蓋以官斯地者功德加於民故也
思弗謬羣請於朝而祀之亦所以崇德而報功也

玉田縣志

卷二十之卷二十七
名宦 鄉型

第五冊

玉卮縣志卷二十

玉卮縣志卷二十
鑒庠孫甫輯訂

列傳二

名宦

郡邑之祀名宦蓋以官斯地者功德加於民沒世謳思弗諼羣請於朝而祀之亦所以崇德而報功也舊志邑令祀名宦而立傳者十八人多在勝國之季

國朝自定鼎迄今歲閱二百任更數十而碑傳民口者不數數見豈真古今人不相及乎抑艱難之時易爲

德承平之世難爲功歟載紀前型用備治譜間有未
列祠祀而實繫人謳思者亦附焉可傳者當不乏人或以修志年遠採訪遺漏此有幸有不幸矣昆明謝君以曾經修志得傳於百餘年後凡欲立名者思之

唐

竇遜漁陽人爲縣令愛養百姓不啻哺嬰兒子思恭嬌
州司馬孫禹鈞以文學名天祐末起家幽州掾周初
爲戶部郎中太常少卿右諫議大夫四十無子一夕
遜於夢中謂之曰嗟嗟吾孫早修行汝無子又壽不
永禹鈞拜諾於是嫁逋廝之棄女還贖罪之遺金舉

宗族之喪四十有七嫁孤貧之女二十有八賢士
之舉火者不可勝數於漁陽城南置書院十四間聚
書千卷聽四方文行之儒自覽一夕又夢遜語之曰
數年來汝名挂天曹以有陰德延算三紀賜五子顯
榮後禹鈞子儀儼侃偃皆進士及第禹鈞終年八
十有二果如祖遜言

元

陽德潤又爲楊氏其先祖於五季時自洛陽來蓋以
邑人爲邑令實卽水經注所謂王田陽者周陽伯雍

之胄也爲人直而溫厚有吏才初辟縣長吏復業者
日有加尋起市集築館舍疎通小河以便舟楫雖渚
飢僅民無菜色中統建元二年除管民長官四年改
玉田令旋又令豐潤政成人理再授北京路惠和尹
又調東鹿尹陞薊州同知自奉清儉所在皆有恩澤
卒之日士民流涕今其墳墓碑表森然種玉山前
明

汪珣歙縣進士德器沉重治理精明在任甫三月陞
順天府通判因逆瑾亂政稱疾不住民戶視之如祠

祀

賀榮神木舉人性甘澹泊蒞任之初悉更弊法往時民苦冗費力省之里甲爲之頓蘇且方剛正直於豪右漠如也時有賀青天之稱尋陞涿州知州泣送者擁路及抵任士民咸往省之宛如家人父子擢工部郎中

葉重第吳江進士正直慷慨凡有興革力爲之請其自守澹如也陞工部虞衡司主事有生祠記詳建置志公署篇

蒲生汶淄川進士寬厚仁慈以母病告歸

錢一鶚掖縣舉人儉素自持一豆一觴未嘗受諸人
調良鄉陞知府

周壁厯城舉人仁慈鎮靜陞廣平通判

張至發淄川進士明允決斷縣有豪奸藉端爲虐者
竟置於法調遵化陞雲南道御史官至首輔崇禎十
五年卒贈少保祭葬廕子如職別詳明史本傳

繆思啟曲靖舉人明敏慈惠多所建置如縣志學宮
其大焉者匾其堂曰節愛觀其屏有聯云位列冠裳

當無玷冠裳貪酷則玷官爲父母必如眞父母節愛則眞可以知其心矣

徐允薦海豐人甫下車值歲荒施粥散賑足履遍四鄉清利弊禁豪猾拮据縣事略無停晷捐俸勸輸置學田以資貧士其紫陽請復學田之遺意歟以上並列祠祀喬瑾字彥華齊東人有德政碑詳建置志公署篇而祠祀之典蓋闕如也

四
編

李中梧遼東貢生天性愷悌愛民如子深念驛苦申

請官當減幫價銀二萬餘兩是歲大水登望流涕曰
陽侯害稼民何以存活乎詣撫伏地痛哭不能起得
上聞糧盡蠲采買米豆使者貪橫加倍不能交收往
封其斛曰直指遂不敢肆虐一年之內善政不勝書
實心撫字凡可爲民者悉不避勞怨以爲之陞永平
知府去任日送者載道邑爲之空轉薊州道厯楚臬
豫藩俱有惠政尋致仕子學詩官福建糧道學禮河
南布知府

通鑑紀事本末卷一百一十五 宋紀五十五 宋高宗皇帝本紀五十五

旗兵分屯各縣時強橫擾民者輒繩以法不少貸自
是商安於市農安於田順德知府轉登州海防道
子國柱國棟俱癸卯舉人官主政

張吉午廣甯人性明敏美丰儀有惠政雅量寬宏刑
清訟簡行取御史奉差陝西茶馬厯任左通政至今
民歌思之

徐鍾補浙江貢監生有柏才廉察而寬仁凡事務從
民便崇禎七年於不第興役不擾民民賴以安以望
誤去

葉戴天孝感舉人存心平恕律已公廉寓撫字於催
科保遺黎如赤子邑民愛戴樂觀政治之成旋以勞
瘁致疾歷春徂秋卧理八月有餘民無越軌爭事輸
將卒於官

王時泰新鄉進士仁明寬恕操守方嚴遇士大夫以
禮軫民瘡痍平訟獄緩徵輸均夫役省災祲與民休
息者二年以外艱去

張迎芳應城進士廉以守己禮以接人寬以撫民嚴
以繩役編審不以流離之戶累土著之民未幾有旗

員無牌索馬肆屠最酷者毅然曰一官甚輕何取重辱飛檄上達尋以逃人望誤去官民歌思之泣送者載道後以擾驛事聞

上嘉其敢言命吏部奏議復職補山東博平縣知縣

王光謨遼陽廕監生相傳多惠政舊志無傳其有徵者修學宮置學田續邑乘三數事耳

以上均列祠祀

謝客雲南昆明拔貢愛士恤民百廢畢舉續邑乘創留養局惜厯年已遠政不得而詳也

倪爲賢江蘇崇明拔貢生爲政順民情先其大者明

倫堂圯捐俸新之壇廟多所修建邑之差車舊規派
諸民殊多詐索近郭村無敢畜騾馬者下車廉得其
情立革之車改官辦民困以蘇稻田有未宜爲力請
得從民便去官後百姓謀請祀名宦未果今公署廳
事有手書含生草堂額筆意秀婉如見其人且題曰
含生亦見仁心爲質矣

李廷棨字戟門山東章邱進士廉正慈惠治獄有蒲
鞭示辱風自奉極儉恒飯糗故人稱小米李捐俸益
書院膏火資喜獎進士類蔣大令慶第其所識於總

角時者也仕至通永道邑有謁者見衣食猶昔時云
許本銓字次青湖北天門拔貢生政尙寬惠禁拖累
理訟多方勸戒能折兩造心治奸宄則務盡法有事
於鄉輕車減從嚴察胥吏蠹索閭閻帖然安僕嘗摘
食路傍棗怒鞭之挂錢於樹整書院加詩賦課手點
竄而甲乙之車中旅館弗輟也所存課卷尙有黨峪
呵凍字尤喜獎寒士吉紳丁維王慶元周慎修皆所
識拔者惜未三載積勞卒於官今林南倉三官廟有
題壁七絕或以比峴山墮淚碑云詩以重葺叢林失

檢削去有記其末句者云春風吹入牡丹亭和湯之
情概可想見

玉田縣志卷二十一

玉田縣知縣江陰夏子鑒庾孫甫輯訂

列傳二

鄉型一

十室之邑必有忠信矧玉邑絕長補短將百里自當
有人焉爲法當時遺型後世者惟自周以前有僻陋
在夷之憾故人才不甚顯著後此列於郡縣獲覩輶
軒風俗漸移人才輩出自漢以降遂多聞者時勢然
也爲各取所長著於篇

仕績上

漢

徐樂元光閒同主父偃嚴安上書言世務各一事書
奏帝召三人謂曰公等皆安在何相見之晚也於是
俱拜爲郎中尋遷樂中大夫樂書以孝武亟用兵謂
天下有土崩之勢語極悚切其後嚴徐皆無甚顯擢
然得令終勝主父遠甚樂書尤膾炙人口焉辭具史
記漢書

田疇字子春或作子泰好讀書擊劍年二十二爲園